



四部叢刊三編集部

沈氏三先生文集  
一

西溪文集十卷

長興集存十九卷

上海涵芬樓借印浙  
江省立圖書館藏明  
覆宋本原書板高廿  
三公分寬十六公分

西溪文集卷第一

西溪文集卷第一

翰林學士右諫議大夫知制誥充群牧使兼判吏部流內銓判尚書禮部長興縣

開國伯食邑百戶輕車都尉賜紫金魚袋沈

御名文通諱遵

歌詩

奉祠西太乙宮賦

應制依韻和御製後苑賞花釣魚

杭州燕思閣分題四首

得偃松院

得巽亭

得歸字

得胡瓌馬

送劉泌歸建州

何公南祕閣公會

送沈景休知常州

送詩僧思齊歸吳

送何中復赴高陵簿

送張古老兩浙提刑

贈毒聖俞柑實

天台山送僧象徵歸山

滑州新修東園

贈楊樂道建茶

和楊樂道省中述懷

王景燹省舍孤竹

和邵興宗還館

和陳和叔祕閣會話

送李瑜通判潤州

送梅公儀知杭州

送許當通判泉州

送陳舜俞壽州從事

送吳冲卿省舍觀蕪才翁題壁

沈沔天隱樓

杭州僧修廣法喜堂

景德寺考試院和李子儀重陽日

景德寺考試院壁和王介甫所題詩

次韻和王景彝十一月朔早朝

次韻和宋次道省直

次韻和次道十一月朔蚤朝

沙白三先生集 卷一  
送余良孺太監致仕歸鄉

次韻和樂道出省後見寄

和劉原甫陽春宜白雲

送韓玉汝知洋州

送辛有終知鄂州

蓬萊山送徐仲微赴蓬萊令

送句諶通判潁川

和鄰幾荅李公達遺嘉慶李

次韻和冲卿省直

次韻和景彞秋興

次韻和鄰幾喜司馬君實錢君倚章伯鎮入省

次韻和邵不疑省直 和君倚景靈行

次韻和君實苦雨 送徐同年

奉祠西太乙宮賦

躬明詔以攝事兮奉祠乎太乙之靈  
戒前期之三日兮祇祓而造乎神庭  
命徒御以夕駕兮候北斗之尚明  
啟國門而西出兮顧旭日之旣升  
背城闕之嵯峨兮氣佳哉其可挹  
度川原之平遠兮風泠然其可乘  
方春陽之發茂兮感萬物之舒榮  
塘冰散兮波已漾野雪消兮艸欲青  
時嘉魚之浮躍間好鳥之嚶鳴池



樂嚴以望幸兮于以見承平之多豫耒耜載以就田  
兮于以見黎民之樂生予心逍然其有獲尚安知乎  
一舍之遠而過征者乎爾迺逍遙而舒榮高舉而遐  
矚氤氲兮雲霞之合隱嶙兮臺殿之轟鐘磬之音兮  
砰焉而震於耳金碧之充兮燁焉而眩於目曾城縣  
圃乎閭苑崑崙乎其遠也若不可到海中之神山其  
邇也若猶可疑漢家之甘泉巍巍乎雙觀沈沈乎重  
闕鞠躬而下屏息以前趨就乎下房之次而齋嚴乎  
其間于是游心於神明致思於精粹披柱史之書玩

漆園之義考星經之說合道家之記蓋太乙北辰之主而天之貴神也其尊五福其行九宮上運乎樞機下監乎吉凶汧漢暨唐是類是宗聖朝曰焉定峙西東蓋所以逆三神接萬靈致諸福綏群氓者焉惟月孟陬惟日辛卯迎氣於郊寔協吉卜侍臣焉承其祀史焉贊其禮牢醴兮芬芬幣玉兮煇煇蓋節兮歲裝藩旂兮旖旎三陔之壇兮所以降上神八通之道兮所以賓衆鬼威靈兮如在睎蠶兮受記時也太陰旣傾列宿在纏紫宮之右天盍粲然帝闈兮若啟氛翳

兮若褰美充之發兮赫奕而炤耀休氣之充兮輪囷而蜿蜒凡厥執事之臣莫不肅然震動俯伏於地既起而贊饗曰泰一報享臨示厥祥錫衍天子萬壽無疆大宗小宗繼承不忘於是事既功休而言歸告僕夫以促轡吾將奏鼐於太微

應制依韻和御製後苑賞花釣魚

春入花房次第開上林先望屬車來時忘萬物均民樂恩許羣臣奉燕杯鳳下朝陽時鼓舞魚游太液自徘徊愚心願獻千年壽豈持歡娛一日陪

杭州燕思閣分題四首

七言得偃松院

以席間所望見為題

古寺半空人跡稀，老松自偃何年有。  
擢幹欲聳不及尋，蟠枝却覆遂盈畝。  
群鳳曬日相婆娑，病蛟眠沙獨蚬繆。  
五月南風翠幄涼，三冬朔雪穹廬厚。  
本知託植須岡陵，豈應詘身此培塿。  
往來不用為嘆嗟，題詩調笑兒女口。

五言得哭亭

以後園諸亭親為題

守居鳳凰背，茲亭壓其顛。  
蒼崖當前斷，崩騰勢將騫。

洪濤從天來萬鼓湧百川高士耳目曠壯夫胸膽塞  
維昔孰經始蔣侯世稱賢斯人去已久陳迹亦屢遷  
我來感且慕拂拭頗增妍尚存甘棠意善政或有傳

五言得歸字

撰韻送完夫以送君  
出門歸五字為韻

相識已恨晚相從每嫌稀如何復相失頓與中懷違  
淮江風波接來云遠我圻一朝晤語隔詎能忘嘆歎  
置酒衆賓賦觴筆交橫飛高亭山氣佳落日暑力微  
金池莫辭滿後會豈易希病夫意不淺亦且倒載歸

七言得胡瓌馬

是日觀画  
以画為題

古來畫馬為世貴前有韓幹後胡瓌幹之所圖馱御  
蚤鑄金有式易為好瓌閱衆馬兼漢胡遂窮能事絕  
代無陰山七騎實瓌造傳之至今為画寶筆端神妙  
難盡譽去聲會見真馬騰在圖真馬今人亦何識但愛  
幹馬肥且澤後世復有伯樂生丹青雖渝尚典刑

五言送劉泌歸連州

東都宦遊客風塵厭已久欣然理扁舟歸鴈不回首  
身與泛流下心先淮波走何時過江望家山見孤嶺  
武夷天下名衆溪環左右幽尋莫辭倦勝事不可負

沈氏三先生文集 卷一  
逍遙其無咎官期諒難後

七言何公南祕閣公會

公從書閣登詞掖西帥重歸始五年當日諸寮半榮  
落後來幾筆雜愚賢齋前花樹多新植架上塵籤亂  
舊編嘉遇榮名時所貴從容感詠屬觴篇

七言送沈景休知常州

疊鼓翻波汜沅響雙旌炤地秋日晴蘭陵使君下齋  
舸都門送客剗蓋傾使君去從金馬署顏朱髮漆意  
氣橫十年侍詔困囊粟千騎乞得專名城城居雖小

地迺大物衆力薄俗喜爭惠窮還暴各有術從來治  
者難其乎使君才勇固自許一州詎足煩神明從容  
談笑暮月爾坐聽道路傳能聲教行民服已無事乘  
時豫樂與衆并惠山荆溪兩秀絕丹轂画隼當春行  
還有歌詩寫高興賓客誰許從唱賡

七言送詩僧思齊歸吳

西風送霜河水落東都歸客不可留囊衣卷詩載輕  
舸飄然獨下東南州吳山木落衆峰出越湖潦散孤  
嶼浮橘丹萼紫新薦俎君下醪美不計售十年塵埃



一日去猿初脫檻鷹下講幽潛遠颺肯回首送之却  
顧令人愁鱸魚正肥張翰老田園將蕪陶潛憂子歸  
應有問予者為解區區茲有由

七言送何中復赴高陵簿

昔初送君向秦關君時失意多悲嘆今來送君復西  
去君懷新命多歡語別君重見凡四年顏色如故氣  
軒軒文章學問益老富卓然遠致信可賢長安古都  
今大府并議關西諸節度邇臣元老來後先賢士大  
夫還而聚君持利器往從之當能一發胸中奇莫嗟